

ME HYE ASE WO NYANKOPON NE DZIN MU, ODOMFO, MBOBORHUFO NO.

Fida Nyamesemka: Ebowbira19, 2013.

(Friday sermon – 16th May, 2014 – Fante Translation)

HWEHWƐ NYANKOPON NO KORYƐ NO WO NKOMHYENYI KRONKRON (NNN) NO MU

Dapen a woetwamu Nyamesemka no na ogyina Anohoba Mesia (ANN) ne ntsease a wo fa Kor'an Kronkron noho, mbransem a wo Kor'an mu na Nyankopon No korye a onyaa onam etuhoama kusekuse a oye dze ma Nkomhyenyi Kronkron (NNN). Iyi tse dem osiande se ennam Nkomhyenyi Kronkron (NNN) no do a nnkotum atse Nyankopon No korye no ase anaa Kor'an Kronkron no. iyi ntse na noho hia de atse Laa Ilaaha Illallah ase ewie no osede etse Muhammadur-Rasuulullah so ase. Nde Huzoor dze Anohoba Mesia (ANN) n'akyerew a o fa Nyankopon No korye ho, no mu nokwar na mbre osi a obi botum enya dzin a okyerede obi a wo gyedzi wo Nyankopon kor pe mu too gua.

Orekyere Kyefa Al-Nas mu no, Anohoba Mesia (ANN) akyerew de: 'Oye mepede mekyerem de wo dem kyefa yi mu no odzikan Nyankopon aka de:.. 'Adasamba nyinara ewuradze' na Wosan so aka de:..... 'Adasamba nyinara hon hen' na ewie no Waka de:..... 'Adasamba hon Nyankopon' a oye nyimpa biara ne botaa na dza orehwehwe. Iah kyere Nyia ose fata de wosom no, nyia wodwen noho na wobisa biribiara fi noho. Laa Ilaaha Illallah kyere de iyi Allah fir ho a obiara nnse mmfata de wosom no, obiara nnyi ho wo de wodwen noho na obiara so nnyi ho a wo de wobisa no biribiara! Nyankopon no korye a odzi mu nye de obiara mmfata de yetuntum no na yehuahua no gyede Okronkron Nyankopon no pe,'(Ruadad Jalsa, Ruhani Khaza'in, Vol 15 p 618)

'Yebohu Nyankopon No korye wo ber a yedze Ono aye hen botaa wo hen pe na he ayaresa nyinara mu. Iyi nye dza okyerede Laa Ilaaha Illallah. Enyimdzifo atse kasafua Ilaaha ase de okyerede Odofo, Nyia wo adwendwen mu na Ose fata de wosom no... kopen de nyimpa dze noho be bata iyi no, Islam ho do na ne keseye nnkotum etsintsim wo no mu'.

Anohoba Mesia (ANN) kaa fa Islam ne nkyerekyere a odzi mu no ho de: 'Muslimfo nam Islam no a Nkomhyenyi Kronkron (NNN) dze baa no do nyaa adom fi Nyankopon ho. Mbre osi a obi befa no biara no, Muslimfo wo ho kwan de wodze botu hon ho na woaye ndaasefo. Muslimfo hon Nyankopon nnye boba, dua, aboa, nsroma anaa nyimpa fun, na mbom Ono nye Tum-nyinara Wura Nyankopon No a Obo sor na asaase na dzebiara a wo mu no; Ono a Otse ase no, Otse Noho ase na Oma adze nyinara nkwa. Muslimfo hon komhyenyi nye Nkomhyenyi Kronkron (NNN) ono a ne Nkomhye mber nnkoko ewie gyede atsembuada no aba. Ne Nkomhye dwuma no nnye dza nkwa nnyi mu, na mbom, ne mu aba na nhyira ye amon a yebotum ehu bi aber biara na iyi ye dasedzi dze ma ne nokwarye mber nyinara. Dem ntsi, Nyankopon dze dem dasedzi yi egu akwan mu, no mu mfaso na nhyira wo

dem mber yin a odze dase abre hen wo ber a odze Anohoba Mesia (ANN) na ne nkrato ye wiadze nyinara dze. Woakyerew de: Ka de, ‘O adasamba! Nokwar mu, meye Osomafo ma hom nyinara a mefi Allah ho.....’ (7:159) na woasan aka bio de: ‘ Na yeansoma wo biribiara ho ka de mboborhu a eye ma wiadze nyimpa nyinara nti.’ (21:108). Buukuu a wodze ma Muslimfo no ye dza odzi mu wie na oma ntsease de: ‘...adwen mu naa nsem biara nnyi mu.....’ (2:3) na ‘ne mu na nkyerekyere a owo ho daa wo.’ (42:18) na ‘banbofo...’ (5:49). Dem dze a, Muslimfo hon som no si pi na odzi mu wo kwan biara do na wama no nsiw ano: ‘...nse da yi Maama mo som no a owie peye no, na Meewie M’adom wo hom do na Meeyi Islam esi ho ama hom de esom.....’ (5:4).

Eben nnuhu nye de iyi nyinara ekyir no Muslimfo hon tsir nkoye yie na hon nsa nnkoka nhyira a owo gyedzi a osipi a oye kwan a wofa do nya Nyankopon Ne nkyen enyigye. Ampara de dodow no ara saree tsia mber a Nyankopon tsintsimm kuw a odze bekanyan dem aba na nhyira yi. Na woboo huendzin de ‘Wonnye asomafo biara...’ (13:44) na ‘nnye gyedzinyi’. Kae de nnkotum enya nhyira wo ano fanfa a wodze ka Nyankopon No korye no, a ibotum enya efir ano a wodze ka na ndzamba a okeka ho, ono nye, ndwuma pa. ampara de, Nyankopon No korye ye adze a odzi mu na owo de Muslimnyi na obi a osuro Nyankopon biara wode ofa, ma otse biara no de Nyankopon No korye bowie peye wo kwan fofor na ono nye Osorsor odo, ono nye, Nyankopon No do.

Botae a owo Kor’an ne nkyerekyere mu nye de obeda Nyankopon No korye edzi, de Onyi hokafo biara, na onam No do ho. Iyi ara so nye akomhyefo nyinara hon nkyerekyere ne botaa. De mbre Laa Ilaaha Illallah ma Nyankopon No korye ho nkyerekyere no, osan so kyere ma yenya Nyankopon No korye ho do a owie peye. na de mbre mekaa no, oye asem a oye few na ntsease wo mu a nnkotum enya ne saso wo Apam dadaw (Torah) anaa Apam fofor (Gospel) mu. Buukuu biara nnyi wiadze yi mu a oma de nkyerekyere a odzi mu dem yi. Ilaaha kyere Odofo a wosom No.Nokwar nye de Islam no su no hye odo nsem no ma. Kae de, Nyankopon No korye a odo nnyi mu no nnwie peye.

Anohoba Mesia (ANN) kaa faa mpenpendo a owo de gyedzinyi du ofa no Nyankopon No korye: ‘Nkorofa a wotan honho ko banodzifo nkyen anaa wohwehwe akyedze fir honho no wo suro ma hon tsede mbre owo nyimpa suro Nyankopon. Wo beye hon ekyirdzifo na iyi ye tsebea a oyi Nyankopon No korye no fi ho na otwe nyimpa fi ne botaa ankasa ho. Nyankopon N’akomhyefo akyere de onyi de yema wentwiwentwi biara ba Nyankopon No korye na wiadze ahonya ntsem, owo de obiara nya ne dabew na ewie no owo de Nyankopon No korye no kron. akomhyefo no nyaa pede wobekyere de Nyankopon nkotsee na oma enyimnyam, ahoti na ehiadze na se yedze obi toto Noho a ono de mbre otse no se etum ebien hyia a, owo de kor see. Dem ntsi, noho hia de yebetsintsimm Nyankopon No korye. Owo yedze wiadze ndzamba ye edwuma naaso onnyi de yefa no de ono nye biribiara na ono na owie biribiara. Oye Nyankopon No korye na odze Nyankopon No do ba na nyimpa tse ase de mfaso na kaa nyinara wo Nyankopon Ne nsa mu, Ono na oye hen boafu na asem ketsekete biara fir Noho na obiara nnyi ntamu. Se nyimpa du dem ahotsew gyinabew yi a, wofre no nyia ogye Nyankopon kor no dzi (Muuhidun). Dem dze a gyinabew kor a nyimpa botum aye

ndaase ama Nyankopon No korye nye de onnkoye abobaa nyame, nyimpa anaa biribiara na obeyi dem adwen no efir ho na gynabew kor so nye de ommfa noho nnto wiadze egyapadze do.

Dza otodo ebiasa nye de, obi beyi onoara noho akwa nye ne pe wo ndzemba bi na oapow hon. Otofabi a, nyimpa dze noho to ne nyimdzee anaa n'ahoodzen do na odwen de onam n'ahoodzen do na ne nsa aka dza owo no. Nyimpa dze noho to n'ahoodzen do ara ma odwen de odze nara n'ahoodzen ye biribiara. Se nyimpa pow n'ahoodzen a obeye obi a ogye Nyankopon Kor No dzi.

Mbom, oye a asembisa bi soer de, suahu akyere de nyimpa dodowara ye bon ahorow pii. Binom ye bon akese; binom so ye bon a oye adantamu na binom so dze honho ahye bon nkumaa bi tse de nyaatwum nye akyekyertsi nna dza okeka ho mu. Nyimpa nnkotum enya ne kan gyede otwe noho fi bon ho. Allah Osorsornyi No ama Mbransem ahorow pii a no mu binom nyimpa nyinara nnkotum edzi do. Mfatoho bi nye de, Hajj akwantu no ye nhye ma nyimpa a owo ho sika ahoodzen, asomdwee wo n'akwantu mu na oegyaa n'ekyir yie. Se ohye iynom nye nhyehyee ahorow nyinaa ma a, obotum etu Hajj akwantu no. Demara, Zakat so ye nhye ma nyia biara a hye ne nhyehyee ma na nsakyer so botum aba Asorye (Salat) mu. Adze kor bi wo ho a nsakyer biara nnkeba mu na ono nye Nyankopon b iara nnyi ho gyede Allah, Muhammad ye No Somafo. Iyi nye mudzi na dza aka biara ye ne nkyerekyeremu. Nyankopon No Korye nnkehye ma gyede obi hwe no Nyameso yie. Iyi kyere de obi a oka Nyankopon biara nnyi ho gyede Allah, Muhammad ye No Somafo no beye nokwarfo wo ne nsem mu wo ber a ne kasaa na ne ndzeyee nyinara kyere de Nyankopon b iara nnyi hwe a ofata de yesom no, na n'enyidado no na yehwehwe mboa fi ne nkyen gyede Allah.

Se onyia no, ne gyedzi nye ne ndzeyee nyinara dzi iyi ho dase a nna ono oye nokwarfo wo Allah N'enyim wo ne nsemkaa mu. Se odze ne gyedzi to n'adwen do a, wiadze ndzemba nyinara nnya nsunsuando biara wo no do na oka de Nyankopon biara nnyi ho gyede Allah nye dza otodo ebien no Muhammad ye Nyankopon No Somafo wo ber a odze reye mfatoho na mfatoho nye ndzeyee na okyere ndzemba mu yie. Nyankopon N'akomhyefo (ANN) ye mfatoho na mfatoho a odzi mu yie nye Nkomhyenyi Kronkron (NNN) osiande no mu na Akomhyefo no nyinara mfatoho wo.

Mber bi asembisa bi bae wo Anohoba Mesia (ANN) ne nhyiamu bi ase de, de mber Judasom no kyerekyere Nyankopon No Korye no, ebenadze fofor na Islam kyere. Anohoba Mesia (ANN) kaa de: Wo Jewfo mu no, nhyehyee biara nnyi ho fa Nyankopon No Korye ho, dza owow no ye Nyankopon No Korye ho abon ara keke na abon nnkotum edzi nyim wo biribiara mu. Nnketse Nyankopon No Korye no bobew ase wo ber a nnyaa nntsee ne nsensamdo no ase. Onnkyyere hwe de ebeka de Nyankopon biara nnyi ho gyede Allah keke osiande Abonsam mpo botum aka dem nsem yi. Onnye adzapa gyede nyimpa dze Nyankopon biara nnyi ho mu nokwar no ho nye do. Ana iyi wo Jewfo mu anaa? Ebenadze ntsi na hom nda no edzi nkyere hen? Nyankopon No Korye n'ahyese nye de nyimpa nnkeye biribiara a otsia Nyankopon N'asem na ne ndzeyee biara a onye Allah, Osorsornyi No Do bo ebira. Ono owo de oye etuhoakye soronko wo Nyankopon No Do mu. Iyi na okyere de Nyankopon

Nkotsee ba mosom no na monnsom obiara ka Noho, mennyi Ɔdɔfo biara ka Noho, na obiara nnyi ho a ɔwo de medze obu ma no gyede Nyankopɔn Nkotsee.

Ɔwo de yekae de Shirk (edze birib bebata Nyankopɔn ho) gu mu ahorow. Binom da edzi na binom so ye nsumaa mu. Shirk a ɔda edzi ye Abɔnsansom tse de rosom abosom, ndua anaa ndzembra bi na nsumaa mu shirk nye de obi dze enyidzi na suro bema birib tse de mbre ɔdze ma Nyankopɔn anaa ɔwo de ɔdze ma No. Anaa ɔdɔ biribi de mbre ɔdɔ Allah Ɔsorsornyi no anaa osuro anaade ɔtwer biribi. Dwen iyi ho, ana iyi yennhu wo nkorɔfo no a wodzi Apam Dadaw (Torah) n'ekyir no mu anaa? Hom bohu dza woyee wo Nkomhyenyi Musa (ANN) n'aber do. Se Apam Dadaw no nna ne nkyerekyerɛ dzi mu wie a nkye n'akadofɔ no betsew honho, mbom wɔannye dem. Hon akoma pirimii na asobrakyew. Kuran Krɔnkrɔn no nkotsee na onya nsunsuando wo nyimpa do, se ɔba no de yedzi dza ɔada no edzi wo ndzembra ahorow nyinara ho. Na ne gwinabew no yehu no wo mber nyinara de mbre yehu no nde yiara so. Kuran Krɔnkrɔn no ka de "..... se hom dɔ Allah a, ɔno hom ndzi m'ekyir na Allah so bɔdɔ hom...(3:32). Obu a ɔye dansewa ma Nkomhyenyi Krɔnkrɔn (NNN) twe nyimpa ko tsebea a ɔma obi beye Nyankopɔn No dɔfo a ɔkyere de ɔye mfatoho wo Nyankopɔn No Korye no mu. Se nna Jewfo no gye Nyankopɔn No Korye no dzi a, ɔno nna siantsir biara nnyi ho ma hon de wotwe honho fi Nyankopɔn No Korye no ho. Nkye ɔwo de wokae de, ebonya ɔtan bi na apow nyia otwa Akomhyefo no do no ye ɔsee kese, naaso iyi annye hon ehiadze ma wɔpoow no kansa hon mbuukuu na ahye no ho kom dada. Iyi ana siantsir fofor bi wo ho ma no se nnye hon akoma a nna epirim a?

Mber bi Anohoba Mesia (ANN) kaa nsem bi faa gyedzi a nkorɔfo wo fa Hadhrat Isa (ANN) ho de: Mfatoho nye nkyerekyeremu a Islamsom dze ma no, nnkohu no betsem kor mpo wo ɔsom nye nyimpa nkaa no mu. Dem saso ntsi me gyedzi kyere me de kansa mbuukuu a wodzii nkan no nyinara kyere Nyankopɔn No Korye no dze na Akomhyefo no nyinara bɔbɔ Nyankopɔn No Korye no ho dawur, naaso buukuu biara nnyi ho a ɔkyere mu de mbre Akomhyefo hon kaekyir no dze Nyankopɔn No Korye no bae na mbre Kuran Krɔnkrɔn kyerekyerɛ Nyankopɔn No Korye no bɔbew no ye nwanwa. Hon a wofre hon Muslimfo no, wɔbɔ mbɔden de wɔbekyerɛ iyi mu yie, esutsen a ɔye korangyee, ebenadze bio na ɔwo mu de wɔbogu Islam n'enyim ase. Odzi kan, hon tsir na annye yie de islam a ɔda edzi a Nkomhyenyi Krɔnkrɔn (NNN) no dze too hon enyim na Kuran Krɔnkrɔn no so dzii ho dase no, hon asem a wokaa ara nye de iyi na nna hen egyanom gyedzi. Dem ntsi, mebisa de, ana wobotum ahye honho do wo ber a woka iyi keke? Dabida! Wonkotum koraa. Ampaara de, wo Kuran Krɔnkrɔn mu nye mbre Allah N'akwan tse no, nkyerekyeremu fofor bi so da edzi fa honho; ber biara nyia ɔasamu eyi no na Nyankopɔn asoma no no beba hon nkyen biara dza etsiafo no ka ara nye de ".....Yenntsee nsem yi bi da mfii hen egyaanom ho" (23:25).

Nyankopɔn No Korye no nnkyere de ebeka de midzi dase Nyankopɔn biara nnyi ho a ɔfata de yesom no gyede Allah na midzi dase Muhammad ye Nyankopɔn No Somafo keke. Mbom, Nyankopɔn No Korye no kyere edze sunsum mu keseye behye w'akoma mu na iyi ekkyir no keseye a aka biara botu ase koraa. Ndzeyee nyinara, nsenkyeredze biara nye koomye

nyinara wɔ dɛ ɔyɛ Nyankopɔn dze na Ono nkotsee na ɔwɔ dɛ ber to ber nyinara yedze hen enyi to no do. Obiara nnyi ho a ɔwɔ dɛ yedan hen enyi hwɛ no gyedɛ Allah na onnyi kwan dɛ yedze biribiara bata Noho fa Ne Nyamesu nye N'abɔdzin ho. Mber yi, nokwar a ɔwɔ mbataho a ɔfa no sunsum mu abɔdzin a wɔdze ma nyimpa ada edzi ara ma nyimpa apa abaw wɔ ho. Onam dem ntsi Kristianfo a wɔwɔ Aborɔkyirman mu nye aman nkaa bi mu redan honho fi hon gyedzi ho dabiara. Iyinom nyinara da edzi wɔ dawurbɔ nkrataa nye nwoma ara a yekan no wɔ ha dabiara. Obiara nnyi ho ɔgye sunsum mu abɔdzin a wɔdze ma nyimpa to mu bio. Mbom, edze o'enyi bɔto wiadze egyapadze do dodowdo no so Shirk (mbataho) a nyimpa mfa n'adwen nnkɔ do.

Obi a ɔyɛ ma ɔpɛ biara na ɔma nohokwan na ahotɔ onam ne nyimdzii, n'ahonya anaa ebusua beka ekyir. Iyi ntsi na ɔatwerew no buukuu bi mu dɛ Nyame N'anyenkofo kakra bi na woyɛ esikafo osiandɛ esikafo no wɔ ahantan mu mbre hen ebusua enyimnyamekodur anaa wɔwɔ, na dem adwendwen bi na ɔma hon tsir nnye yie na ɔsanso siw hon kwan na hon mu kakra bi na wotum yi iyi fir hon akwan mu. Yenkae dɛ ahonya yɛ ɔhaw.

Da bi a abɛsen kɔ no binom bisaa Anohoba Mesia (ANN) dɛ ne yikyere no a ɔkenkan "ifir me nkyen na moso mefir wo nkyen" no ɔyɛ Nyankopɔn No koryɛ no bi anaa. ɔkaa dɛ dem yikyere yi da ho pefee a ebirabɔ biara nnyi mu osiandɛ ono Anohoba Mesia (ANN) no onam Nyankopɔn N'adom do na ɔba atseasefo mu na Ono Nyankopɔn Ne nkyen per na ofir. ɔwɔ dɛ yekaa so dɛ Nyankopɔn aka no Kor'an mu beebi pii dɛ ɔyɛ kor a onnyi boafɔ biara. Onnyi ne saso wɔ no su mu, ne ndzeyɛɛ mu na abɔdzin mu. ɔyɛ nokwar dɛ obi nnkotum agye Nyame no koryɛ no ato mu gyedɛ ɔmmfa adze ketsekete biara nntoto Nyankopɔn ho. Gyedzi wɔ Nyame Ne koryɛ mu bedzi mu ber a ibenya gyedzi dɛ Nyankopɔn nnyi saso wɔ ne su mu, wɔ N'abɔdzin mu na Ne nyɛ mu.

Egyimfo toto Ne yikyero ase ber a wɔntse ase yie. Dɛ wɔbegye anaa wɔbɔ tonton Nyame no wɔnnye na mbom na wɔdze hon adwen susu Nyame N'abɔdzin kyere binom. Mfatoho nye dɛ wogyedzi dɛ Yesu tum ma nkwa na ɔsanso twe nkwa, wɔ sanso gyedzi dɛ Yesu (NN) wɔ nsumae mu nyimdzii na ɔsanso tse ho afebɔ. Ana iyi nnye abosom som anaa? Iyi yɛ abosom som a ɔasee Kristosom na iyi sanso yɛ Muslimfo so hon mfomdo dɛ wɔdze dem gyedzi yi aka hon som ho.

Onnyi dɛ obiara susu Nyankopɔn N'abɔdzin Kronkron no ma nyimpa biara dɛ ɔyɛ komhyenyi anaa Nyame-nipa, dem ara so na onnyi dɛ wɔdze obi bata Nyame Ne ndwuma ho. Binom do wiadze ara ma hon wirfir Nyame ber a gyedzi wɔ Nyame No koryɛ mu no kyere dɛ nkyɛ gyedzi wɔ wiadze mu ketsekete biara nkɔka. Oye dɛ yedwen so dɛ adze biara nnyi ho a n'abɔdzin anaa ne papa bae anaa ɔka noho wɔ onoara ne ndzeyɛɛ ho. Nokwar mu no ɔwɔ dɛ yetse ase dɛ dem abɔdzinpa nyinara Nyame na ɔdze baa. Tsedɛ ma fi dze ayemu tue ba no dem ara so na edubɔn so kum ntsi sɛ Nyame yi dem abɔdzin yi fi ndzɛmba ahorow do a, fi nnkotum ama ayemu tuenna edubɔn so nnkokum ma ayɛ yie. Ne tsiatsia mu no onnyi dɛ yedze henho twer wiadze mbordu na onnyi dɛ yedze Nyame N'abɔdzin na nyɛ dze toto nyimpa biara ho. Iyi na ɔyɛ gyedzi pa wɔ Nyame No koryɛ mu na ma ɔdz iyi bɔ ne bra no wɔfre no "muwahid".

Na mbom se obi dze Nyame ne nyee na N'abodzin ma nyimpa fofor a, se odze n'ano ka anaa fre Nyame Ne korye dodow dem mpo a yerenntum mmfre no "mauhid". Dem akonkonsafo yi yehu bi wo osom Arya mu, wodze hon ano mfanfa ka de wogyee Nyame kor no dzi naaso iyi nynara ekyir no wowo gyedzi de sumsum na honam nnye Nyame abodze ntsi nnye Nyame Ne tum do na wodze wo atseasefo mu. Tsede ma sunsum na honam wowo atseasefi mu afebwo. Eben bosomsom na oso sen iyi? Nyimpa pii na wonntum nnuh nsonsonnee a oda Nyame No korye ho na ne mbataho ho (abosom som). Onam dem ntsi woye ndzeyee anaa wowo gyedzi a Nyankopon Ne mbataho wo mu (abosom som). Mfatoho; oye woka de se iyi na iyi nnyi ho a nkye yebowu anaa nkye biribi nnkoko yie.

Mfatoho, okuanyi dwen de se oanye edwuma wo ne haban mu a, onnkobo nduadzewa ne dem ntsi onkoko tun abo bra, dem ara nso na nyimdziifo binom dwen de se oandzi hon nyimdzii ekyir a wonnko tum abo bra. iyi ye gyedzi mbordo fa wiase ho a oma gyedzi wo Nyame no tum mu yew, se ennye Nyame ne pe a nkye nyimpa ne edwuma nnkotum ama no nsu a oye a hun no de Nyankopon na abo nsu na Ono so na oaye ma aye nfaso dze ama won a onoara so na otum ma nsu ye wo ekyiwadze. Abrantsee bi na ofaa akomkyer, nna onom mber so de oka n;ano, ntem paa ara na oda fem osiande nna nsu no aden no ekyiwadze. Dwumadzi biara nnyi ho a obo ko do gyede osor ehyira do. Ohia de benya gyedzi fitaa wo Nyame no tum mu, obiara a onni dem gyedzi yi wo abosom dze kakra wo no mu ma osi wo asaase yi do biara wo hyehye no osor ansaana aba mu wo asaase yi do. Gyedzi wo Nyame no kor ye mu ennye ahntan ketsekete biara nko.

Yenhwe hen Maulvifo, wotu dom fo na wonntu honho fo ne dem nti yenntum mfa hen were nnhye hon mu koraa. Dakor bi Maulvi bi ka Nyanmesem fa afor bo na Nyame ne bon fakyee ho, na nna Maulvi no ne yer ka etsiefo no ho. Nyamesem no ka Basia kor bi n'akoma ma oyii ne bansere kor dze maa Maulvi no. maulvi no bisaa no de ana epe de won an kor no a bansere kor no a aka no da no hyew abonsam gyamu anaa? Ntem paa noara na basia no yii kor no so dze bowo afor. Nyamesem kafo no baa fie no, ne yer no ye de obebow afor, asem a Maluvi no kaa kyere no nye de dem nsem no ye ka no Nyamesem mu keke na nnye de yendzi do.

Anohoba Mesis no kyere mbre gyedzinyi a ogye Nyame No Korye ye 'gyedzinyi mapa; nndwen hyee ho gyede mbre obe fa do aye Naynmkopon N'apedze na oenya ne do. Odwen Nyame ntsi de obenya anaa obehwer nnkaa no. se obi dwen adze fofor bi ka Nyame Kokuroko no ho a, obo konkansa na ahantan bra. Kae de dem gyedzi yi edu bon wo nyimpa abrabo mu, osan so ko tsia Laa ilaaha illa llah ne fa a odzikan Laa ilaaha Se obi enntum annye Nyanmkopon ahyedze bi onam obi ntsi a nna odze dem nyimpa no atot Nyankopon wo n'abodzin bi ntsi na oenntum oanye Nyankopon ne nhye a otse de no, mfatohoo wo buukuu bi mu. Mamulvi bi na okosre obi aber a ofaa akomkyer na opepe nyimpa kor no hu de ofaa akomkyer. Nyimpa kor no bisaa no no, obe ka de ofaa akomkyer no, ope de ohu de ohye no ho do ntsi okaa de owo

Siantsir oangye hwee no. ne tsia mu no, bon ahorow pii na owo insie mu na osee hen ndzeyee. De esikafo no ahantan na akesesem see hon ndzeyee no ehiafo bi so onam de

wɔnnyɛ aħantan na akɛsɛsɛm ntsi hɔn gyedzi mu tsim osiandɛ aħantan na akɛsɛsɛm twe nyimpa fir Nyame ho. Kɔkɔnsa bra tse dɛ aboa okura odzi ndze yɛɛ pa sɛɛ no. Nana Nyankopɔn yɛ Ɔkyɛfo na mbom abrabɔ pa na yɛ botum dze abɛn no.

Onnyi dɛ Nyimpa dze no ho botwe biribi mbordo na ɔdze biribi do bɛ beta Nyame n'abɔdzin na ne nyee ho. Huzoor (sumsum mu kan dzinyi) bɔɔ dawur dɛ ɔbeyɛ funksie asɔr ama Abdul Karim Abbass Sahib a onnyi ha na ofir Syria man mu: ɔka bia bi wɔ da a ɔtɔ do enum wɔ bosom: ebubow ketseaba no mu. Ɔgyee ɔsom yi too mu wɔ mfe akr(2005) abɛsenkɔr na ne sun a ne ndzeyɛɛ nye na aba enim paa. Ɔna per na nna ɔyɛ Ahmadinyi wɔ n'ebusua mu. Na nna Ɔsɛɛ ne mber na ne ahɔɔdzin pii wɔ Ahmadiyya kwan mu.

Translated by: 1. Mr. Alhassan Kobina Atta-Wenchie
(Tutor in English Language, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Rasheed Possible Essuman Sahib
(Second Year Student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us